

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Parnassvs Poeticvs Mœsto-Lætatus**

**Höfflich, Hieronymus**

**Altdorpii, 1623**

**VD17 VD17 15:745589E**

Ad eundem

[urn:nbn:de:bsz:31-138658](https://nbn-resolving.org/urn:nbn:de:bsz:31-138658)

Verbula ne frustra, non proficiencia perdam  
Auxiliatricem porridge queso manum,  
Respice Musarum lapsis in rebus alumnum  
Fomentisq; iuva vulnera nostra tuis,  
Conueniens homini est homini succurrere egeno  
Conueniens tanto, quantus es ipse, viro  
Supplicis exaudi Mæcenas Maxime vocem  
Quamq; potes misera (nam potes) affer opem,  
Non peto collectas, queis vincitur omne monetas,  
Da modo fructifera conditione frui.  
Optandi pro qua si nobis gratia fiat  
Hoc bene pro merito commoda mille precor,  
Ut tibi sit facilis Deus, ut nullius egentem  
Fortunam præstet Nestoreosq; dies.

### Ad Eundem.

**M**Eos Versiculos, patrone, miror,  
Meos Versiculos inelegantes,  
Meos molliculos, febriculolos,  
Et parum quibus est salis, leporis,  
Qui nec unius æstimantur assis;  
Velles, (vah reprimor, pudet fateri)  
Velles dicere Quid venustiores?  
Nec tibi placuisse ineptiarum,  
Harum fasciculum negas? pilosas  
Commendasq; gravi viro Cancænas?

F 5

Quid

Quid quod præterea peritorum  
Offers Pieridum decus corollæ  
Summum Laurigeræ manu benigna?  
Stupescō referens magis magisq;  
Huc illuc dubiam revolvo mentem;  
Non digno viridum caput coronet  
Sertum Apollineum? quod exprobrandum;  
Namq; hoc forte meretur exprobrari,  
Quin quod sæpe meretur exprobrari,  
Sed vos Aonides beatiores  
Nymphæ, cum tenuis styli Poëtam  
Dignum Laureola putetis isthac;  
Exoptata diu celebriore  
Atq; ab auspicio bono profecta,  
Inopina tamen brabeia, digna  
Quantumvis meliore sint poeta,  
Submissa capiam manu, puellas  
Vosq; Doctiloquas dein fovere  
Omnes sum assiduò paratus annos  
Interim pietate vir polite,  
Tanti maxime muneris brabeuta  
Qui mihi optimus omnium patronus,  
Quot sunt, quotq; fuere, rariores  
Quotq; post aliis erunt in annis,  
Maximas tibi gratias, Poeta  
Ego pessimus omnium, poeta  
Tanto pessimus omnium, meorum  
• Quanto tu optimus omnium patronus,

Maxi-

Maximas tibi gratias habebo  
Vivi donec erunt voluciores  
Spiritus tremulis meis medullis  
Pro favore tuo; tibi tuisq;  
Quantum qui pote plurimum favebo.  
Sed prius veniam die parato  
Ad te, (nam peto cogitationes  
Meas accipias tuasq; coram  
Ipse ego) ut veniam jube, valeq; :

---

### Ad Eundem.

**F**orsan, Vir Celebris, mea  
Quæris quid sibi? quid charta velit frequens.  
Hoc vult, Vir Celebris mea  
Si quæris, sibi quid charta velit frequens,  
Vix depulsa dies dia, &  
Sol circum roseos duxit equos semel  
Cum quidam properans, mei  
Musæi petiit limina paupera  
Optatamq; mihi (sicut  
Grates) ore salutem rotulit tuam;  
Addens frugivera tua  
Menti propositum quod steterit diu  
Hos Altdorffsiades lares  
Visendi; modo magnum officium ferat.

Certus